

01.06.(19.05.)

**Свети свештеномученик Патрикије епископ
бруски са три презвитера: Акакијем,
Менандром и Полиеном**

Вечерња

По окончаниу 9-го часа священник произносит начальный возглас:

Благословѣн Бог наш всегда, ныне и присно, и во веки веков.

Чтец: Амѣнь.

Христос воскрес из мертвых, смертью смерть поправ, и сущим во гробех живот даровав. *(Трижды)*

Приидите, поклонимся Цареву нашему Богу.

Приидите, поклонимся и припадём Христу Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103

Благослови, душе моя, Господа. Господи, Боже мой, возвеличился еси зело. Во исповѣдание и в велелепоту облѣклся еси. Одейся светом, яко ризою, простираяя небо, яко кожу. Покрывааяя водами превыспренняя Своя, полагааяя облаки на восхождение Свое, ходяя на крилу ветреню. Творяя Ангелы Своя дужи и слуги Своя пламень огненный. Основаяя землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егже не прейдут, ниже обратятся покрыти землю. Посылаяя источники в дебрех, посреде гор пройдут воды. Напаяют вся звери сельныя, ждуд онагри в жажду свою. На тих птицы небесныя привитают, от среды камня дадут глас. Напаяя горы от превыспренних Своих, от плода дел Твоих насытится земля. Прозябаяя траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедр Ливанстии, ихже еси насадил. Тамо птицы вогнездятся, еродиево жилище предводительствует ими. Горы высокая еленем, камень

прибѣжище заяцем. Сотвори́л естѣ луну́ во времена́, со́лнце познá запад свой. Положи́л еси́ тму, и бысть ночь, в нейже прѡйдут вси звѣрие дубравнии. Скѣмни рыка́ющи, восхитити и взыскáти от Бѡга пи́щу себѣ. Возсия́ со́лнце и собра́шася и в ло́жах своѣх лягут. Изы́дет человек на дѣло своѣ и на дѣлание своѣ до вѣчера. Яко возвели́чишася делá Твоя́, Гѡсподи, вся премудростию сотвори́л еси́, испѡлнися земля́ твáри Твоея́. Си́е мо́ре вели́кое и простра́нное, та́мо га́ди, ѡмже несть числа́, живѡтная ма́лая с вели́кими, та́мо кораблѣ преплáвают, змий сей, егѡже создáл еси́ ругáтися емú. Вся к Тебѣ ча́ют, дáти пи́щу им во блага́ время. Дáвшу Тебѣ им соберúт, отвѣрзшу Тебѣ рúку всяческая испѡлнятся блага́сти, отвра́щшу же Тебѣ лице́, возмáтýтся, отъймeши дух их, и исчéзнут, и в персть свою́ возвратýтся. Пѡслеши Дúха Твоегѡ, и созѣждутся, и обновѣши лице́ земли́. Бúди сла́ва Господня́ во вѣки, возвеселѣтся Господь о дѣлех Своѣх, призира́я на зѣмлю, и творя́й ю́ трястѣся, прикаса́яся горáм, и дымáтся. Воспою́ Гѡсподеви в животѣ моѣм, пою́ Бѡгу моему́, дѡндеже есмь, да усладѣтся Емú бесѣда моя́, аз же возвеселю́ся о Гѡсподе. Да исчéзнут грѣшницы от земли́, и беззакѡнницы, якоже не бѣти им. Благослови́, душѣ моя́, Гѡспода. Со́лнце познá запад свой. Положи́л еси́ тму, и бысть ночь. Яко возвели́чишася делá Твоя́, Гѡсподи, вся премудростию сотвори́л еси́.

Сла́ва Отцú и Сы́ну и Свято́му Дúху, и ны́не и прѣсно и во вѣки векѡв. Амѣнь.

Аллилу́иа, аллилу́иа, аллилу́иа, сла́ва Тебѣ Бѡже *(Трижды)*.

Во время чтения 103 псалма священник тайно перед царскими воротами с непокрытой головой читает светильничные молитвы.

По окончании предначинательного псалма диакон, выйдя северными воротами и став, как обычно на амвоне, произносит великую ектению.

Ектения великая

Диакон: Мѣром Гѡсподу помѡлимся.

Лик: Гѡсподи, помѣлуй.

Диакон: О свѣшнем мѣре и спасѣнии душ на́ших, Гѡсподу помѡлимся.

Лик: Гѡсподи, помѣлуй.

Диакон: О мѣре всего́ мѣра, благостоя́нии святýх Бѡжиих церквѣй и соединѣнии всех, Гѡсподу помѡлимся.

Лик: Гѡсподи, помѣлуй.

Диакон: О святѣм хра́ме сем и с вѣрою, благоговѣнием и стра́хом Бѡжиим входя́щих в онь, Гѡсподу помѡлимся.

Лик: Гѡсподи, помѣлуй.

Диакон: О Вели́ком Господѣне и отцѣ на́шем, Святѣйшем Патриáрхе Кирилле, и о господѣне на́шем высокопреосвященнейшем митрополите Савве, честнѣм пресвѣтерстве, во Христѣ диáконстве и о всем причте и лю́дех, Гѡсподу помѡлимся.

Лик: Гóсподи, помíлуй.

Диакон: О Богохранímей странé нáшей, властéх и во́инстве ея́, Гóсподу помóлимся.

Лик: Гóсподи, помíлуй.

Диакон: О гра́де сем, вся́ком гра́де, странé и véрою живу́щих в нíх, Гóсподу помóлимся.

Лик: Гóсподи, помíлуй.

Диакон: О бла́горастворéнии возду́хов, о изобíлии плодóв земнýх и врéменех мíрных, Гóсподу помóлимся.

Лик: Гóсподи, помíлуй.

Диакон: О пла́вающих, путешéствующих, недúгующих, стра́ждущих, пленéнных и о спасéнии их, Гóсподу помóлимся.

Лик: Гóсподи, помíлуй.

Диакон: О избáвиться нам от вся́кия скóрби, гнéва и нýжды, Гóсподу помóлимся.

Лик: Гóсподи, помíлуй.

Диакон: Заступí, спасí, помíлуй и сохрани́ нас, Бóже, Твоéю благодáтию.

Лик: Гóсподи, помíлуй.

Диакон: Пресвятýю, пречíстую, преблагословéнную, сла́вную Влады́чицу нáшу Богороди́цу и Приснодéву Марíю со все́ми святы́ми помяну́вше, са́ми себе́ и друг дру́га, и весь живóт наш Христу́ Бóгу преда́дím.

Лик: Тебе́, Гóсподи.

И священник возглашает: Я́ко подобáет Тебе́ вся́кая сла́ва, честь и поклонéние, Отцу́, и Сы́ну, и Свято́му Дúху, ны́не и прíсно, и во ве́ки веко́в.

Лик: Амíнь.

Кафизма 18

Псалом 119

Пéснь степéней. Ко Гóсподу, внегда́ скорбéти мí, воззва́х, и услы́ша мя. Гóсподи, избáви дýшу мою́ от устен непра́ведных и от язы́ка льстíва. Чтó да́стся тебе́, или́ чтó приложíтся тебе́ к язы́ку льстíву? Стрéлы сíльнаго изощрэны, со ўгльми пусты́нными. Увы́ мнé, я́ко пришéлствие моé продолж́ися, вселíхся с селéнии Кидáрскими: мно́го пришéлствова душа́ моя́: с ненави́дящими мíра бéх мíрен: егда́ глаго́лах íм, боря́ху мя тýне.

Псалом 120

Пéснь степéней. Возведóх óчи мо́й в гóры, отню́дуже прíдет по́мощь моя́. По́мощь моя́ от Гóспода, сотво́ршаго не́бо и зéмлю. Не да́ждь во смятéние ногí твоея́, ниже́ воздрéмлет храня́й тя: сé, не воздрéмлет, ниже́ ўснет храня́й Изра́иля. Госпо́дь сохранíт

тя, Господь покров твой на руку десную твою. Во дни солнце не ожжет тебе, ниже луна нощию. Господь сохранит тя от всякаго зла, сохранит душу твою Господь: Господь сохранит вхождение твое и исходжение твое, отныне и до века.

Псалом 121

Песнь степеней. Возвеселихся о рекших мне: в дом Господень пойдём. Стояще бяху ноги наша во дворах твоих, Иерусалиме. Иерусалим зиждемый яко град, емуже причастие его вкупе. Там бо въздоша колена, колена Господня, свидение Израилево, исповедатися имени Господню: яко там седоша престолы на суд, престолы в дому Давидове. Вопросите же яже о мире Иерусалима: и обилие любящим тя. Буди же мир в силе твоей, и обилие в столпостенях твоих. Ради братьий моих и ближних моих глаголах убо мир о тебе. Дому ради Господа Бога нашего зысках благая тебе.

Псалом 122

Песнь степеней. К Тебе возведох очи мой, Живущему на небеси. Се, яко очи раб в руку господий своих, яко очи рабыни в руку госпожи своея: тако очи наши ко Господу Богу нашему, дондеже ущедрит ны. Помилуй нас, Господи, помилуй нас, яко помногу исполнихомся уничижения: наипаче наполнися душа наша поношения гобзующих и уничижения гордых.

Псалом 123

Песнь степеней. Яко аще не Господь бы был в нас, да речет убо Израиль: яко аще не Господь бы был в нас, внегда востати человеком на ны, убо живых пожерли быша нас: внегда прогневатися ярости их на ны, убо вода потопила бы нас. Поток прейде душа наша: убо прейде душа наша воду непостоянную. Благословен Господь, иже не даде нас в ловитву зубом их. Душа наша яко птица избавися от сети ловящих: сеть сокрушися, и мы избавлени быхом. Помощь наша во имя Господа, сотворшаго небо и землю.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Лик: Господи, помилуй. *(Трижды)*

Лик: Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 124

Песнь степеней. Надеющиеся на Господа, яко гора Сион: не подвижится в век живый во Иерусалиме. Горы окрест его, и Господь окрест людей Своих, отныне и до века. Яко не оставит Господь жезла грешных на жребий праведных, яко да не прострут праведнии в беззакония рук своих. Ублажи, Господи, благия и правыя сердцем. Уклоняющиеся же в возвращения отведет Господь с делающими беззаконие: мир на Израиля.

Псалом 125

Пѣснь степѣней. Внегда возвратити Господу плен Сионъ, быхом яко утѣшени. Тогда исполнися радости уста наша, и язык наш веселия: тогда рекут во языцех: возвеличил есть Господь сотворити с ними. Возвеличил есть Господь сотворити с нами: быхом веселящися. Возврати, Господи, пленение наше, яко потоки югом. Сеющи слезами, радостью пожнут. Ходящи хождяху и плакахуся, метаяще семена своя: грядуще же приидут радостью, вземлюще рукояти своя.

Псалом 126

Пѣснь степѣней. Аще не Господь созиждет дом, все трудяшася зяждущи: аще не Господь сохранит град, все бде стрегий. Все вам есть утревати: востанете по седении ядущи хлеб болезни, егда даст возлюбленным Своим сон. Се, достояние Господне сынове, мзда плода чревяго. Яко стрелы в руке сильного, тако сынове отрясенных. Блажен, иже исполнит желание свое от них: не постыдятся, егда глаголют врагом своим во вратех.

Псалом 127

Пѣснь степѣней. Блажени вси боящиися Господа, ходящи в путех Его: труды плодов твоих снеси: блажен еси, и добро тебе будет. Жена твоя яко лоза плодовица в странах дому твоего: сынове твой яко новосаждения масличная окрест трапезы твоея. Се, тако благословится человек бояйся Господа. Благословит тя Господь от Сиона, и узриши благая Иерусалима вся дни живота твоего, и узриши сыны сынов твоих: мир на Израиля.

Псалом 128

Пѣснь степѣней. Множицею бращася со мною от юности моея, да речет убо Израиль: множицею бращася со мною от юности моея, ибо не премогша мя. На хребте моем делаша грешницы, продолжиша беззаконие свое. Господь праведен ссече выя грешников. Да постыдятся и возвратятся вспять вси ненавидящи Сиона: да будут яко трава на здех, яже прежде восторжения изсше: еюже не исполни руки своей жней, и недра своего рукояти собираяй: и не реша мимоходящи: благословение Господне на вы, благословихом вы во имя Господне.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Лик: Господи, помилуй. *(Трижды)*

Лик: Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 129

Пѣснь степѣней. Из глубины възвах к Тебѣ, Господи: Господи, услыши глас мой. Да будут уши Твой внемлюще гласу моления моего. Аще беззакония назириши, Господи, Господи, кто постоит? Яко у Тебѣ очищение есть. Имене ради Твоего потерпѣх Тя, Господи, потерпѣ душа моя в слово Твое: упова душа моя на Господа. От стражи утренния до нощи, от стражи утренния да уповает Израиль на Господа: яко у Господа милость, и многое у Него избавление: и Той избавит Израиля от всех беззаконий его.

Псалом 130

Пѣснь степѣней. Господи, не вознесѣся сердце мое, ниже вознесѣтся очи мой: ниже ходих в великих, ниже в дивных паче мене. Аще не смиреномудрствовах, но вознесох душу мою, яко отдоеное на мать свою, тако воздаси на душу мою. Да уповает Израиль на Господа отныне и до века.

Псалом 131

Пѣснь степѣней. Помяни, Господи, Давида и всю кротость его: яко клятятся Господеву, обещаю Богу Иаковлю: аще вниду в селение дому моего, или взыду на одр постели моея: аще дам сон очима моима, и веждама моима дреманіе, и покой скранияма моима: дондеже обрящу место Господеву, селение Богу Иаковлю. Се, слышахом я во Евфратѣ, обретохом я в полях Дубравы: внидем в селения Его, поклонимся на место, идеже стояте нозе Его. Воскресни, Господи, в покой Твой, Ты и кивот святыни Твоея. Священницы Твой облечутся правдою, и преподобнии Твой возрадуются. Давида ради раба Твоего, не отврати лице помазаннаго Твоего. Клятятся Господь Давиду истинною, и не отвержется ея: от плода чрева твоего посажду на престоле твоём. Аще сохранят сынове твой завет Мой и свидения Моя сия, имже научу я, и сынове их до века сядут на престоле твоём. Яко избра Господь Сиона, изволи и в жилище Себе. Сей покой Мой во век века, здѣ вселюся, яко изволих и. Ловитву его благословляяй благословлю, нищыя его насыщу хлѣбы: священники его облечу во спасение, и преподобнии его радостию возрадуются. Тамо возвращу рог Давидову, уготовах светильник помазанному Моему. Враги его облечу студом, на нем же процветет святыня моя.

Псалом 132

Пѣснь степѣней. Се, что добро, или что красно, но еже жити братии вкупе? Яко миро на главѣ, сходящее на брану, брану Аарону, сходящее на ометы одежды его: яко роса Аермонская сходящая на горы Сионския: яко тамо заповѣда Господь благословение и живот до века.

Псалом 133

Пѣснь степѣней. Се, ныне благословите Господа, вси раби Господни, стоящи в храме Господни, во дворех дому Бога нашего. В нощех воздежите руки ваша во святая и благословите Господа. Благословит тя Господь от Сиона, сотворивый небо и землю.

Чтец: Слава Отцу и Сыну и Святому Духу, и ныне и присно, и во веки веков. Аминь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Пресвяту́ю, пречи́стую, преблагословенну́ю, сла́вную Влады́чицу на́шу Богоро́дицу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Возгласение: Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ныне, и при́сно, и во ве́ки веко́в.

Лик: Ами́нь.

«Господи, воззвах»

Поются псалмы 140, 141, 129, 116 со стихирами на “Господи, воззвах”; в это время диакон совершает полное каждение храма

Первый лик: Го́споди, воззва́х к Тебе́, услы́ши мя. / Услы́ши мя, Го́споди.

Го́споди, воззва́х к Тебе́, услы́ши мя: / вонми́ гла́су молéния моего́, / внегда́ воззва́ти ми к Тебе́. / Услы́ши мя, Го́споди.

Второй лик: Да испра́вится моли́тва моя́, / я́ко кади́ло пред Тобо́ю, / воздея́ние руку́ мое́ю / – же́ртва вечерняя. / Услы́ши мя, Го́споди.

И по чину стихи: Положи́, Го́споди, хранéние усто́м мо́им, и дверь ограждéния о устна́х мо́их. Не уклони́ се́рдце моё́ в словеса́ лука́вствия, непщевати́ вины́ о гресéх, с челове́ки де́лающими беззакóние, и не сочту́ся со избра́нными их. Нака́жет мя пра́ведник ми́лостию и обличит́ мя, елéй же грéшнаго да не нама́стит главы́ моея́, я́ко ещé и моли́тва моя́ во благоволе́ниях их. Поже́рты бы́ша при ка́мени судий их: услы́шатся глаго́ли мо́и, я́ко возмо́гша. Я́ко то́лща земли́ просéдеса на земли́, расточи́шася ко́сти их при а́де. Я́ко к Тебе́, Го́споди, Го́споди, о́чи мо́и: на Тя упова́х, не отыми́ ду́шу мою́. Сохрани́ мя от се́ти, ю́же соста́виша ми, и от собла́зн де́лающих беззакóние. Падут во мре́жу свою́ грéшницы: еди́н есмь аз, до́ндеже прейдú.

Гла́сом мо́им ко Го́споду воззва́х, гла́сом мо́им ко Го́споду помолíхся. Пролию́ пред Ним моле́ние моё́, печаль мою́ пред Ним возвещú. Внегда́ исчезати́ от мене́ ду́ху моему́: и Ты позна́л еси́ стези́ моя́: на пути́ сем, по нему́же хождáх, скрýша сеть мне. Смотря́х одесну́ю и взгля́дах, и не бе зна́яй мене́: поги́бе бéгство от мене́, и несть взыска́яй ду́шу мою́. Воззва́х к Тебе́, Го́споди, рех: Ты еси́ упова́ние моё́, часть моя́ еси́ на земли́ живы́х.

Петак 4. по Пасхи: Вечерње

Вонми молению моему, яко смирихся зело, избави мя от гонящих мя, яко укрепился паче мене.

На 10, стихиры: Изведи из темницы душу мою, / исповедатися имени Твоему.

Стух: Мене ждут праведницы / дондеже воздаси Мне.

На 8, стух: Из глубины возвах к Тебе Господи, / Господи, услыши глас мой.

Стух: Да будут уши Твой / внемлюще гласу моления моего.

На 6, стух: Аще беззакония назириши, Господи, Господи, кто постоит? / Яко у Тебе очищение есть.

Суббота 4-й седмицы по Пасхе на 3

Глас 1: Творец всех и жизни Податель, Отцу Божественному соприносущное Слово, волею от Девы плоть приим, быв Человек, неизреченная премудрости, яко Благ всем источи учения.

Стух: Имене ради Твоего потерпех Тя, Господи, потерпе душа моя в слово Твое, / упова душа моя на Господа.

Глас 1: Празднику преполовившуся иудейскому Христе, во святылици предстал еси, закону Владыка, учя властью, и книжники обличая, якоже писано есть, и устрашая премудростию словес Твоих, и чудес показаньи.

На 4, стух: От стражи утренния до нощи, от стражи утренния, / да уповает Израиль на Господа.

Глас 1: Податель премудрости, и добрых излиятель, изливая Божественная струи от источника приснотекущаго, приидите ко Мне, зовет, воду жизни жаждущии почерпите, и реки из чрева вашего, глаголет, дарований Божественных потекут.

Стух: Яко у Господа милость, и многое у Него избавление, и Той избавит Израиля от всех беззаконий его.

сщмч. Патрикия, епископа Пруссаго, и с ним трех пресвитеров: Акакия, Менандра и Полиена на 3

Глас 6: Слово окормляеми, / страстей треволение удобно преплыша, / священномученицы блаженнии, / и теплыми водами человеком страсти целити уверишася. / Ихже мочи, священнолепно погребенныя, / исцеления изливают богато требующим, / сих по достоянию почтим непрестанно, вернии, / со дерзновением молящихся о душах наших.

На 2, стух: Хвалите Господа вси языцы, похвалите Его вси людие.

Глас 6: Носяще от крове мученическа багрянцу, / скипетр же держаще Крест честный, / царствуют со Христом, радуящася, / за Негоже пострадали волею восхотеша, / Божественнии мученицы: / священноявленный Полиен, Акакий же и Менандр / с

Патрикіем Богомудрым./ И ныне, радующеся, предстоят престолу Христову,/ со дерзновением молящеся о душах наших.

Стіх: Яко утвердися милость Его на нас, и истина Господня пребывает во век.

Глас 6: Желаяще, мученицы, Христова Царствия,/ временную смерть, яко пищу, вмениша, блаженнии,/ и глад претерпеша и язвения болезней мужески, доблии./ Темже быша всем верным заступницы,/ душам же и телесем здравие устрающе независтно,/ яже ныне по долгу воспоём, вернии, радостно,/ яко Господеви молящияся о душах наших.

Слава Отцу, и Сыну, и Святому Духу.

Глас 1: Пятидесятницы настá днѣй преполовѣние, в немже Христос обнажив маловидно Божественную силу, ослабленнаго стягну словом, того от одра возставив, и Боголепно чудотвори в зданном теле, человеком дарова вечный живот, и велию милость.

И ныне, и присно, и во веки веков. Аминь.

Богородичен, глас 3: Како не дивимся / Богомужному Рождеству Твоему, Пречестная, / искушения бо мужескаго не приемши, Всенепорочная, / родила еси без отца Сына плотию, / прежде век от Отца рожденнаго без матери, / никакоже претерпевшаго изменения, / или смешения, или разделения, / но обою существу свойство цело сохраншаго. / Темже, Мати Дево Владычице, / Того моли спастися душам, / православно Богородицу исповедающих Тя.

Вечерняя песнь Сыну Божию

Свете Тихий святія славы, / Безсмертнаго, Отца Небеснаго, / Святаго Блаженнаго, Иисусе Христе. / Пришедше на запад солнца, / увидевше свет вечерний, / поём Отца, Сына и Святаго Духа, Бога. / Достойн еси во вся времена / пет быти гласы преподобными, / Сыне Божий, живот дай, / темже мир Тя славит.

Диакон: Вонмем.

Священник: Мир всем.

Лик: И духови твоему.

Прокимен

В пяток вечера, глас 7:

Диакон: Премудрость. Вонмем. Прокимен, глас 7.

Боже, заступник мой еси Ты, / и милость Твоя предварит мя.

Лик: Боже, заступник мой еси Ты, / и милость Твоя предварит мя.

Диакон: Изми мя от враг моих, Боже, и от востающих на мя избави мя.

Лик: Боже, заступник мой еси Ты, / и милость Твоя предварит мя.

Диакон: Боже, заступник мой еси Ты

Лик: И мѣлость Твоя предварѣт мя.

Молитва при наступлении вечера

Лик: Сподоби, Господи, в вечер сей без грехá сохранѣтися нам. / Благословен еси, Господи Бóже отецъ нашихъ, / и хвально и прославлено имя Твое во веки, аминь. /

Буди, Господи, мѣлость Твоя на нас, якоже уповахом на Тя. / Благословен еси, Господи, научи мя оправданиемъ Твоимъ. / Благословен еси, Владыко, вразуми мя оправданиемъ Твоимъ. / Благословен еси, Святыи, просвети мя оправданиемъ Твоимъ. /

Господи, мѣлость Твоя во век, делъ руку Твоею не презри. / Тебѣ подобаетъ хвала. Тебѣ подобаетъ пение, / Тебѣ слава подобаетъ, Отцу и Сыну и Святому Духу, / ныне и присно и во веки вековъ. Аминь.

Ектения просительная

Диакон: Исполним вечернюю молитву нашу Господеву.

Лик: Господи, помилуй.

Диакон: Заступи, спаси, помилуй и сохрани нас, Бóже, Твоею благодатию.

Лик: Господи, помилуй.

Диакон: Вечера всего совершенна, свята, мирна и безгрешна у Господа просим.

Лик: Подай, Господи.

Диакон: Ангела мирна, верна наставника, хранителя душ и телес нашихъ у Господа просим.

Лик: Подай, Господи.

Диакон: Прощения и оставления греховъ и прегрешений нашихъ у Господа просим.

Лик: Подай, Господи.

Диакон: Добрыхъ и полезныхъ душамъ нашимъ, и мира миру у Господа просим.

Лик: Подай, Господи.

Диакон: Прочее время живота нашего в мире и покаянии скончати у Господа просим.

Лик: Подай, Господи.

Диакон: Христианския кончины живота нашего, безболѣзненны, непостыдны, мирны и добраго отвѣта на страшнемъ судищи Христовѣ просим.

Лик: Подай, Господи.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марію со всеми святыми помянувши, сами себе и друг друга, и весь животъ нашъ Христу Бóгу предадимъ.

Лик: Тебѣ, Господи.

И священник возглашает: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Лик: Амѣнь.

Священник: Мир всем.

Лик: И духови твоему.

Диакон: Главы наша Господеви приклоним.

Лик: Тебе, Господи.

И возглашает священник: Буди держава Царствия Твоего благословена и препрославлена, Отца, и Сына, и Святаго Духа, ныне и присно, и во веки веков.

Лик: Амѣнь.

Стихиры на стиховне

Суббота 4-й седмицы по Пасхе на 4

Глас 3: Твоим Крестом Христе Спасе, смерти держава разрушися, и диаволя прелесть упразднися: род же человеческий верою спасаемый, песнь Тебе всегда приносит.

Стих: Господь воцарися, в лепоту облечеса.

Глас 3: Просветишася всяческая, Воскресением Твоим Господи, и рай паки отверзеса, вся же тварь восхваляющи Тя, песнь Тебе всегда приносит.

Стих: Ибо утверди вселенную, яже не подвижится.

Глас 3: Славлю Отца и Сына силу, и Духа Святаго пою власть, нераздельное, несозданное Божество, Троицу Единосущную, царствующую в век века.

Стих: Дому Твоему подобает святыня, Господи, в долготу дней.

Глас 3: Страстию Твоею Христе, омрачивый солнце, и светом Твоего Воскресения, просветивый всяческая, прими нашу вечернюю песнь Человеколюбче.

Слава Отцу, и Сыну, и Святому Духу, и ныне, и присно, и во веки веков. Амѣнь.

Глас 1: Во святилище пришел еси Премудросте Божия, преполовляющуся празднику, учя и обличая непокоривыя иудеи, фарисеи и книжники, и вопия со дерзновением к ним: жаждай да грядет ко Мне, и пьет воду животную. И не вжадет в век. веруяй Моей благодати, реки потекут из чрева его жизни вечныя. О благодати и благоутробия Твоего Христе Боже наш, слава Тебе.

Молитва святого Симеона Богоприимца

Ныне отпускаеши раба Твоего, Владыко, / по глаголу Твоему с миром: / яко видеста очи мой спасение Твое, / еже еси уготовал пред лицом всех людей, / свет во откровение языков, / и славу людям Твоим Израиля.

Трисвятое по Отче наш:

Священник: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Лик: Амѣнь.

Тропари

Тропарь Суббота 4-й седмицы по Пасхе

Глас 8:

Преполовившуся празднику,/ жаждущую душу мою благочестия напои водами,/ яко всем, Спасе, возопил еси:/ жаждай да грядет ко Мне и да пьет.// Источниче жизни нашея, Христе Боже слава Тебе.

Сугубая ектения

Диакон: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй. *(Трижды)*

Диакон: Еще молимся о Великом Господине и Отце нашем Святейшем Патриархе Кирилле, и о господине нашем высокопреосвященнейшем митрополите Савве, и всей во Христе братии нашей.

Лик: Господи, помилуй. *(Трижды)*

Диакон: Еще молимся о Богохранимем стране нашей, властех и воинстве ея, да тихое и безмолвное житие поживем во всяком благочестии и чистоте.

Лик: Господи, помилуй. *(Трижды)*

Диакон: Еще молимся о блаженных и приснопамятных создателях святаго храма сего, и о всех преждепочивших отцех и братиях, зде лежащих и повсюду, православных.

Лик: Господи, помилуй. *(Трижды)*

Диакон: Еще молимся о милости, жизни, мире, здравии, спасении, посещении, прощении и оставлении грехов рабов Божиих, братии святаго храма сего.

Лик: Господи, помилуй. *(Трижды)*

Диакон: Еще молимся о плодоносящих и добродееющих во святем и всечестнем храме сем, труждающихся, поющих и предстоящих людем, ожидающих от Тебе великия и богатыя милости.

Лик: Господи, помилуй. *(Трижды)*

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Амѣнь.

Диакон: Премудрость.

Петак 4. по Пасхи: Вечерње

Лик: Благослові.

Священник: Сый благословѣн Христос Бог наш, всѣгда, ныне и присно и во веки веков.

Лик: Амѣнь.

Лик: Утверди, Боже, / святую православную веру, православных христиан / во век века.

Священник: Пресвятая Богородице, спаси нас.

Лик: Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Священник: Слава Тебе, Христе Боже, упование наше, слава Тебе.

Лик: *Слава, и ныне:*

Господи, помилуй (*трижды*). Благослові.

Священник стоя у Царских врат, обращается на запад к народу и произносит отпуст.

Отпуст

Воскресый из мертвых Христос Истинный Бог наш, молитвами Пречистой Своей Матере, сщмчч. Патрикия, епископа Пруссаго, и с ним трех пресвитеров: Акакия, Менандра и Полиена, и всех святых, помилует и спасет нас, яко Благ и Человеколюбец.

Многолетие

Лик: Великаго господина и отца нашего Кирилла, / Святейшаго Патриарха Московскаго и всея Руси, и господина нашего высокопреосвященнейшаго Саввы, митрополита Вологодской, / богохранимую страну нашу Российскую, / настоятеля, братию и прихожан святаго храма сего, / и вся православныя христианы, / Господи, сохрани их на многая лета.